



**Bosnia and Herzegovina**  
Agency for antidoping control

Broj: 01-50-631/20  
Tuzla, 18.11.2020.godine

Na osnovu Zakona o ratifikaciji Evropske konvencije protiv dopinga u sportu („Službeni list SFRJ – Međunarodni ugovori“ br. 04/91), Odluke Predsjedništva Bosne i Hercegovine o ratifikaciji Međunarodne konvencije protiv dopinga u sportu („Službeni glasnik BiH – Međunarodni ugovori“, br. 02/09), na osnovu člana 49., člana 62. tačke c) i člana 74. Zakona o sportu u Bosni i Hercegovini („Službeni glasnik BiH, br. 27/08, 102/09 i 66/16), a u vezi sa članom 98. stav (2) i članom 99. stav (1) i (3) Zakona o upravi („Službeni glasnik BiH“, br. 32/02, 102/09 i 72/17), te imajući u vidu odredbe člana III/3b Ustava BiH, direktor Agencije za antidoping kontrolu Bosne i Hercegovine donosi

**UPUTSTVO ZA PROVOĐENJE I PRIMJENU SVJETSKOG ANTIDOPING KODEKSA 2021,  
MEĐUNARODNIH STANDARDI I ANTIDOPING PRAVILA U BOSNI I HERCEGOVINI**

**Član 1.**

**(Predmet uputstva i hijerarhija primjene akata)**

Svjetski antidoping kodeks 2021, međunarodni standardi Svjetske antidoping agencije (WADA) 2021 i Antidoping pravila u Bosni i Hercegovini se primjenjuju neposredno, te imaju prednost u primjeni u odnosu na zakonske i podzakonske akte donesene od nadležnih zakonodavnih i drugih organa u Bosni i Hercegovini.

**Član 2.**

**(Dužnosti)**

Olimpijski komitet Bosne i Hercegovine, Paraolimpijski komitet Bosne i Hercegovine i sportski savezi u Bosni i Hercegovini dužni su uskladiti svoje akte i upoznati svoje članove/ice sa Svjetskim antidoping kodeksom 2021, međunarodnim standardima Svjetske antidoping agencije (WADA) 2021 i Antidoping pravilima u Bosni i Hercegovini do stupanja na snagu ovog Uputstva.

**Član 3.**


**(Objava)**

Svjetski antidoping kodeks 2021, međunarodni standardi Svjetske antidoping agencije (WADA) 2021 i Antidoping pravila u Bosni i Hercegovini objavljuju se na službenoj internet stranici Agencije za antidoping kontrolu Bosne i Hercegovine [www.ada.gov.ba](http://www.ada.gov.ba).

**Član 4.**

**(Stupanje na snagu)**

- (1) Ovo Uputstvo stupa na snagu 1.1.2021. godine i objavljuje se u Službenom glasniku Bosne i Hercegovine.
- (2) Stupanjem na snagu ovog Uputstva prestaje da važi Instrukcija za provođenje i primjenu Svjetskog antidoping kodeksa 2015 i Pravilnika za borbu protiv dopinga u sportu u Bosni i Hercegovini br. 01-02-2-1095/14, od 01.12.2014. godine („Službeni glasnik BiH br. 103/14“).



**DIREKTOR**  
Slavko Matić